

Kenosha HarborMarket Cov Cai Rau Xyoo 2008

Caij Nyoog Muag Khoom Rau Xyoo 2008

Cov Hnub: Saturdays, Lub Tsib Hlis Ntuj tim 24 txog Lub Kaum Hli Ntuj tim 25 (23 lub lis piam)

Sij Hawm: 9:00 sawv ntxov txog 2:00 tav su. Tej zaum yuav ncuu cov sij hawm kom ntev zog rau tej hnub uas muaj lwm yam tshwm sim nrog ua ke los yog nyob ntawm HarborMarket Management xav ncuu.

Nyob Qhov Twg: Txoj kev 2nd Avenue uas nruab nrab 55th thiab 56th Street ntawm Kenosha HarborPark, ntsia ntsoov lub Kenosha Public Museum.

Nqi rooj ib hnub twg yog \$25.00; \$575.00 rau ib cim – luv 20% = \$460 rau ib cim, los yog luv 10% = \$22.50 rau ib hnub, yog hais tias twb them thaum lub Peb Hlis Ntuj tim 31, xyoo 2007 los yog ua ntej ntawd lawm.

Teeb rooj: Yuav tsum teeb thaum 7:30 sawv ntxov txog 8:45 sawv ntxov.

Yog vim hloov mus muag nyob rau ib qhov chaw tshiab mus li ib lub sij hawm tsis ntev, qhov chaw ntawd nqaim dua tom Place de Douai, yuav tau teem caij rau cov tswv muag khoom tuaj xwb thiaj teeb tau khoom sai. Cov neeg saib xyuas hauv Market Management yuav teem sij hawm rau cov tswv muag khoom tuaj uas yog yuav tsum tuaj kom txog li lub sij hawm teem rau, tsis li ces yuav muab tus tswv muag khoom ntawd tso rau lwm qhov uas tsis yog qhov nws xaiv.

Sau rooj tu cia: 2 teev tav su txog 3 teev tav su.

Tej Qoob Loos (Zaub thiab Paj Ntoos)

Kis no kuj yog hais txog tej khoom sau los tshiab tshiab xws li zaub, txiv ntoo, paj, txuj lom, yub thiab lwm yam khoom cog ua tej pawg uas yog cog nyob ib cheeb tsam 150 mias paug cig hauv Wisconsin, Illinois, Indiana thiab Michigan. Lub khw HarborMarket txhawb thiab yaum kom muaj txoj kev ua liaj ua teb muag thiab huam vam mus.

Tej Qoob Loos yuav tsum yog cog los ntawm tus neeg ua liaj ua teb. Kev yuav khoom los muag tsuas pub muaj yog hais tias tus muag khoom yuav tej qoob loos ntawm ib tug tswv ua liaj ua teb hauv ib cheeb tsam li hais saud los xwb, THIAB yog hais tias nws sau paib rhais qhia hais tias cov khoom muag ntawv yog tuaj thaj teb twg tuaj. Qhov nov tsuas pub muaj txij li 20% ntawm cov khoom muag xwb.

Tsheb

Txws tsis pub nres tshab kiag li rau ntawm thaj khw thaum lub sij hawm muag khoom, tshwj tau daim ntawv nres tsheb In-Stall Parking Permit ntawm nws qhov chaw.

Ib tug tswv muag khoom twg muaj cai ua ib daim ntawv thov nres tsheb (In-Stall Parking Application). Daim ntawv thov yuav tsum teev hais tias yog vim li cas thiaj yuav tsum nres tsheb rau ntawm nws qhov chaw, muab ib daim duab lub tsheb yuav tuaj nres thiab nyiaj them tus nqi. Kev pom zoo pub nres tsheb yuav yog los ntawm kev ntsuam pom tau hais tiav tsim nyog nres, nres los kuj tseem zoo saib thiab muaj chaw rau nres. Yuav tsum tso \$100 nrog daim ntawv ua thov nres tsheb cia tsam ho muaj kev puam tsuaj thiaj tau kho (Damage Recovery Deposit). Cov Management, uas yog cov neeg tswj lub khw, muaj cai tsis txais daim ntawv thov nres tsheb, los yog muab kev pom zoo pub nres, tiam sis ho yuav muab kev zwj ceeb cia thiab.

Qhov loj qhov dav ntawm qhov chaw muag khoom

*Dav kaum fiv thiab ntev kaum tsib fiv. (10' x 15')

*Cov tswj lub khw muaj cai txiav txim seb yuav pub txuas tau ntxiv rau qhov chaw muag khoom lost sis tau.

*Qhov dav yog qhov yuav tig mus rau cov tuaj kav kiab kav khw.

*Nram qab lub rooj yog chaw seem rau tej khoom yuav muag.

*Tag nrho qhov chaw muag khoom yog 150 square feet.

Tsev Ntaub Vov

*Yuav tsum muaj tsev ntaub vov los mus vov kom tej qoob loos tsis tuag tshav. Pom zoo kom muaj ib lub tsev ntaub vov uas yog 10 fiv txog 10 fiv EZ-UP los yog luaj ib yam.

*Cov tsev ntaub vov no yuav tsum yog cov ntaub xim dawb xwb.

*Tus tswv muag khoom yuav tsum muaj lub luag hauj lwm txog kev yuav thiab tu lub tsev ntaub vov kom zoo.

*Txhua tus tswv muag khoom yuav tsum txhos cov tsev ntaub vov kom ruaj, uas yog nias cov ces kaum kom nyhav txog li ntawm 25 pounds rau thiaj khov. Yog hais tias siv cov thoob ntim dej nias, yuav tsum muab kaw kom ntom.

*Mus yuav tau cov tsev ntaub vov no tom tej khw muag khoom pheej yig, cov khw muag khoom sport ua si, thiab tom Sam's Club.

*HarborMarket Management tsuas muaj lub puav tsev ntaub vov xaub uas tus nqi yog \$20 tauj ib hnuv; ib cim muag khoom no ib tug tswv muag khoom twg tsuas xaub tau txog 3 zaug xwb.

Cov Tsiag Yug thiab Tsiag

*Tsuas pub cov tsiag yug tuaj tom khw yog hais tias muab khi caj dab thiab yuav ceev tau. Yog pom tau hais tias tus tsiag yug uas koj tuaj yuav ua teeb meem ces yuav tsum tau muab nws koj tawm.

- *Txws tsis pub cov tswv muag khoom koj lawv cov tsiaj yug tuaj.
- *Txwv tsis pub koj tej tsiaj tuaj muag.

Yuav tsum tau ua raws li Health Department hais

Cov neeg muag khoom noj yuav tsum ua raws li cov cai hauv Health Department. Thov hu mus rau Kenosha County, Division of Health ntawm tus xov tooj (262) 605-6700 kom paub ntau ntxiv txog tej yam yuav tsum tau ua raws li hauv Health Department. Cov neeg muag tej yam khoom noj uas ntxim yuav muaj teeb meem yuav tsum nug mus rau Division of Health kom tau kev pom zoo, thiab tej zaum yuav tsum tau lais xee ua ntej thiaj yuav muag tau tej khoom noj ntawd. Tshooj Division of Health muaj cai txwv tsis pub muag tej yam khoom los yog tej yam khoom noj. Tej khoom noj uas twb yeej npaj tau ua ntej lawm los yog tiav ib theem los lawm es yuav muab los ua muag tauj yuav tsum yog tuaj ntawm ib qho chaw uas muaj lais xee ua tuaj.

Tej yam khoom noj uas ntxim yuav muaj teeb meem yog KHOOM NOJ uas yuav tsum tau tso rau tej qho kom tswj tau qhov kub los yog qhov txias thiaj tsis piam thiab ua tau kob mob sawv sai sai.

Kev koj ntawm tus tswv muag khoom

*Ib tug tswv muag khoom yuav tawm tsis tau ntawm nws lub rooj muag khoom ntxov, txawm hais tias nws muag nws tej khoom tas ntxov.

*Ib tug tswv muag khoom tsuas tawm tau ntxov yog muaj xwm txheej ceev heev, ces nws yuav tsum sau nws tej khoom muag thiab tej twj kom tas uas yog muab tes nqa tawm los yog muab laub laub tawm xwb.

*Txws tsis pub cov neeg muag khoom haus luam yeeb nyob rau ntawm cheeb tsam lub khw HarborMarket.

*Cov tswv muag khoom yuav tsum hwm lwm cov tswv muag khoom, cov neeg ua hauj lwm tswj lwb khw thiab cov neeg tuaj kav kiab kav khw.

*Tej tus yam ntxwv tsis zoo, nrog rau tej yam ua nrov nrov yog tej yuav tsis taus.

*Txws tsis pub cov neeg muag khoom tso suab nkauj li.

*Txwv tsis pub siv tej yam xws li cav uas yuav tau siv roj kiag li.

Kev Cob Qhia Tswv Muag Khoom/Muab Nrho Tawm

Cov neeg muag khoom yuav tsum muab kev koom tes nrog rau lub khw HarborMarket Management thiab hwm tag nrho cov cai. Ib tug neeg muag khoom twg yuav tau txais kev ceeb toom ua lus hais, tas ces sau ntawv ceeb toom teev cov teeb meem. Yog tsis teb txog cov teeb meem hais ntawd, yuav raug rho tawm hauv lub khw HarborMarket, uas yuav tsis thim cov nyiaj xaub chaw rov qab.